



雲臺新志

ル 5
1103
2



1103
2


雲臺新志卷第四

山水

雲臺山

雲臺山清風頂一名青峰頂

陳宣州志高五百丈周圍連漫百里顧志本山原名青峰頂因建三元聖宇遂名雲臺以方輿考之即海中蒼梧山也又云成化己酉有魯府王孫度為僧持鉢於此愛其山水幽峻可以棲禪因募貲重建三官殿師號清風久而遂以清風名頂唐仲冕嘉慶海州直隸州志雲臺山即郁州山舊名蒼



梧山酈道元水經注引崔季珪從鄭康成學浮海
還家敘道之所經作述初賦言郁洲者故蒼梧之
山也卽其賦所云吾夕濟於郁洲者也郁洲近稱
雲臺云今案江南通志誤以鬱洲雲臺爲二山齊
召南水道提綱亦承其誤楊勤懋公四知堂集有
從蒼梧望雲臺詩又誤以蒼梧雲臺爲二山詳見
考證門至復山原委已具建置門

明唐伯元遊青峰頂記

石刻

環東海而山者以千數而青峰爲之宗其高處
雞鳴可見日是曰青峰頂俗謂清風誤也萬歷

乙酉秋余以言事謫至其郡望而奇之與郡守
張君允紳言稍暇當一遊其冬十月四日且往
比航海風急海僅七里許自辰至午乃得渡過
南城郡諸生江生應鵬等與千夫長張君四箴
迎於道左次其舍相見禮畢日晡至大村夜宿
於老君堂堂祀老君在青峰下十餘里其右有
破寺寺前有塔起梁宋年間寺之前爲鬱林觀
尼僧居之有戒行其傍澗水潺潺多怪石刻唐
宋名賢詩文其上適大村新縣北城諸生徐生
珮宋生徵胡生來貢等及國子儒官十餘人來

謁乃以次早持觴造焉酒數巡摩其文歌其詩想見當時之盛游人之多今不可復見也因命解隸書者悉鈔錄之別諸生行遂遵山麓而南且上上下下可七里是爲朝陽庵以上不可輿舍而步東上可六里近頂足可望日有石屋相傳道人修煉處時隨行者游僧道瑛而郡來館人則張君戒從者也命人以酒進酌酒向峰頭祝再酌望東海祝三酌然後酌之道瑛問何爲余笑不應坐屋下凡五酌起北漸于頂上是爲青峰絕頂旣至而徐生亦至頂有巨石有小塔壘

小石爲之其前可坐數人徐生爲余指某高公島某田橫島某鷹遊山某桅尖山望海而北則登萊齊魯之墟其海則所謂海市蓬萊若隱若見者也時天風起不可久憩命酒與徐生各三酌而返從西下釣魚溝則國子生儒官數人攜酒榼來相與坐草又各三酌轉而南遊朝陽庵時逾午矣館人列席具酒進而諸生及道瑛侍焉酒半鄉進士徐君承武馳七十里來自北城則又具酒對而飲徐君問曰山名青峰何謂也余曰非也海上秋冬之候草凋木落獨此山居

翠微間延袤數里皆茂林修竹四時長青又頂上泉沃處處皆濕履草潤如春夏頂多巨石產萬年松經霜愈秀是謂青峰頂爲青峰頂蓋自古記之俗名誤也曰然則何以言清風曰近代庵有僧名清風者歿數傳而俗人神之遂冒以其號此俗人之惑非必異端巧於竊名如此徐君喜顧諸生起謝曰今日青峰始得正名某生長茲鄉敢忘先生之賜又命酒近夜分廼罷明日別徐君返再宿老君堂題其堂聯句倘遇東家傳禮好莫逢關令著書多有太村隔村諸父老相繼以築堰告許之其晚諸生又具酒而道瑛再侍諸生問余家二尊人壽余顧道瑛曰昨日乃我初度峰頂之祝爲家二尊人也道瑛具述云云諸生則又引觴觴予予爲諸生飲各滿觴明晨詣大村堰所率諸父老告神開堰諭以次第事宜其在隔村者令行如例畢返至南城自青峰頂下至南城所會諸生凡三十餘人各課其文爲之講解其義已然後返旣返至郡報張君具述如右張君曰不可無記也會貢士顧生乾至京書畀之刻於朝陽庵左右

王時揚遊雲臺山序

崔志

雲臺山本名郁洲山載山海經形似蒼梧故又名蒼梧在東海中稱最大先是爲古德道場近有淮人謝淳荆三官廟其上數年之間檀信輻輳輦金十餘萬今其廟瓌瑋燕趙齊魯及四方之人以爲福地奔走無虛日山間殆市朝矣丁巳余來貳海海人爲余言如此煙霞本余痼疾聞之頓有褰裳濡足意朔雪初霽衝寒出州門十里許至恬風渡入海而颼颼大作不可航余謂我輩意亦豈可敗也強榜人行時海艘皆泊

岸避風獨扁舟破巨浪欹仄洞駭問心膽俱墮輿從色變斜陽抵岸幸爾無事捨筏戴星過南城宿大村旦日肩輿行凍谷中至南天門望海上羣峰蹲伏纔如箕弓昨所渡海僅一衣帶水不足當浩瀆內蹄涔也路至是益巖且朝凍初解濤甚舁夫欲顛遂下輿杖策旣流連光景又行復視地令人應接不暇由九龍口而茶庵而接佛院而三官殿皆如登天阜役數輩前後擁負僅乃得之其上壯麗如人言因憩息僧房少頃有僧語余上爲清風頂蓋以三元經有乘九

烝清風飛昇於雲臺山上而得名昔有金牛兩師夏臘於此又名金牛其顛可望日出每春夏間雞未鳴時輸出海底大於車蓋晃曜四射海中細大無不了了秋冬晴爽亦間可觀其光怪雖鋪錦列繡無以狀也余亟欲昏黑上頭以覲一遇而雨雪交下躡步無所容足欲幽尋在近僧寮竹石且不可得卽其旁有宋孝子徐積所詠古松紛拏如蚪第從牆牖間遙對而已雲臥凡數日俟雪之霽如河之清旣已無可奈何且恐更雪則山徑盡封不能復下乃割愛決去回

視向來紺宇紅樓盡成瑤璣而下矚海底變幻其氣象又復萬千矣此身殆若天際真人雖墮指裂膚無所復恨余漫遊半生流覽不乏至於且大且險且奇則茲遊爲最

國朝孫斯位雲臺山賦

鷗汀賦鈔

由吾道榮駐錫棲雲之嶺冥游巨平之巔披靈茆以循古道倚巉巘而聽鳴泉兀然若無所營悄乎徑忘所適四象悟心幽人來告俄見望日樓上紫雲鬱鬱白玉爲牀有一人醉枕紅蕤霞氣流光其一人風佩霞裾袖揮羽觴須臾響流

雲際仙韻悠揚遂聞其辭曰靈瑣兮旋辭飛輪
兮下之冠切雲之岌岌兮佩紫電之陸離乘三
清以汗漫兮軒八景其風開道東溟以周章兮
息余駕乎雲臺指煙霞于海上兮浮玉巒其無
垠日月蕩其精魄兮接諸峰之一魂潛九龍於
幽澗兮跨虹橋於長空備二十四氣兮澄透迤
於青峰命神工與鬼斧兮修窳堵於戴村俄結
構之已就兮勢轟轟于天門飛雲鳧之雙雙兮
適逍遙以在茲踏雷雨之青冥兮鎮蛟螭之變
蝼吾知石髓其非一峰兮迺藥苗之萬族凡木

之不敢生兮余其舉瑤筍于幽谷凌浮景以極
崇椒兮爛余憑乎玫瑰袖龍根而擘麟脯兮藉
余敷乎瓊茅援北斗以酌金漿兮又何捲乎碧
筒醉清光于天際兮騎紅日于海中揚虹電之
靄其嬰茀兮御黃雀之長風唵孔旂于玉軼兮
展雲旗于豐隆後黃麒之從從兮翠鳳翼其承
旂令萍翳爲灑塵兮俟余駕乎翠微輶素虎以
驂龍兮目瞻兩角而光芒翼翩翩其上翔兮日
之晡余將行蕩蒼梧于一拳兮眇伊盧之艤船
聽龍洞之淙泓兮誰步虛而安禪燦朱櫻于東

磊兮石髮蔓於黃泥攀寶樹于碧嶺兮掇陵岡
之丹黃懸崖聳其對峙兮逗一線之蒼穹呼馮
夷兮擊鼓兮出貝闕與龍堂余賣藥海之濱兮
忽余遇夫秦皇遺赤舄之一兩兮金壁其出之
阜鄉瞬煙嵐之幻化兮拖海嶼以縈迴芳菲菲
其襲予兮又紅粧之競開揚紫鸞之啾啾兮停
余驂其延跼車不行而夷猶兮牽余情其何故
花嫌春去之早兮零紅雨而淚東風孤獸走索
羣以嗥秋兮蟋蟀將語此紫茸錯新縣之紛紜
兮迓軒車之蠢動飄旌幟于墟溝兮調良駟而
控送惟阡隴之纍纍兮叢薜荔于煙蘿俯化迹
于陰崖兮拱喬木其爛柯彼竇女之含冤兮我
上帝其知之屈鄒衍于當路兮飛霜霰之迷離
飲玉蘭之墜露兮攀梅樹之落英不吟玩其亦
已兮望之子之杳茫耿匡壁之餘光兮孤皎月
其未央來清風於于浦兮悵潮汐之蒼涼保厥
美于遲暮兮知理美其未沫散橐金于州黨兮
賢哉二疏其來歸披懷夢之芊眠兮彌陵谷之
青青抽芳心其亦瘁兮靈草烏乎長生胡荃蕙
之零落兮直同之乎蕭艾也懷清馨而亦朽兮

莫秋風之害也壹陰而壹陽兮胡生死之俱未
停餐日胎與月魄兮詎有地之烏能靈唵楚楚
之衣裳兮蜉蝣其如朝槿山有石之磊磊兮將
青蓮之來飲臺嵯峨而臨絕冥兮胡有身之可
舍也心低徊而顧懷兮曰余不得其名之故也
總余轡其仍畱兮聊控景而容與望芝房而開
雲關兮召山靈使告予芙蓉集以爲裳兮華采
衣之披披駕白鹿而從青鸞兮車辛夷而桂旗
靈繽紛其並謁兮與余言乎紫虛曰匪魑魅之
邪惑兮嗟塵世之多愚何所獨無香草兮余何
薄乎海湄芳杜若于渚潏兮又文藻之葳蕤南
鉢池之餘鈿兮啟金蟾于錦屏翫丹竈于攔頭
兮東又距乎蓬瀛堅和神于紫翠兮余緯繡其
難移夕歸次于縣圃兮朝濯髮乎咸池疇赤斧
之媠修兮漱元和于日夜吾令鳳鳥其騰颺兮
屯飄風而來御放紅鶴于鬱林兮潔石泉以濯
纓苟發瓊笈于巖巖兮愁芝草之不生邇余道
于天台兮指碧沙以爲期色濛濛其太古兮語
流水以相隨生紅朮於黑壤兮黃猿領其白貌
采瓊華以爲佩兮空山闐其誰遺入洞而過天

池兮溘飄然余上征望徐則于桃水兮跨石梁
而揚靈煇裏瓊靡之精兮茹松花與紫腴口傳
與紫臺之妙蘊兮振金策以躡虛望扶桑之丹
榘兮余薄言其結之儲磷石與雲液兮胡不可
以瀨之由太白而左轉兮眺二仙于東陬象楊
山朱雀兮曰元武其金牛原夫坤軸之效靈兮
迺構此于元造將駐三元之靈駕兮放毫光于
寶誥開琉璃之地道兮建日月之天宮朱閣中
天而炯晃兮瑤臺雲疎以玲瓏八桂森森以翼
樞兮琪樹蔭鴿以傾虹胡紫微與清虛兮穿全

家于碧雲緬玉宇之非遙兮詎寥天其未聞吼
靈夔於法起兮香馥馥其揚煙迺梵娛于桑門
兮繫誰分乎四纏彼何世之民兮臥野壑之間
雲纏蒼藤以爲屋兮結白鶴以爲羣朝拳浦之
江籬兮夕攬洲之青蘋知一峰之嶙峋兮修內
美其無秋春粵三何之旣湮兮望徐陵其愁予
蓀獨美乎夫人兮紉瑤珮以詒汝浮翠靄于後
頂兮曰倒座之陰崖鳥雪夜之翔空兮筠緝族
之當階後有人其鵠立兮迺相空之在下空六
入而湛圓兮石其生菩提之樹迺鳳城以北眺

兮將一老其兕虎長鯨遊乎海之岸兮白磷磷
以承宇攬余驂其低徊兮旬繡錯以續紛恐嘉
禾之遲暮兮嗟民生之多勤馳余乘于閩風兮
迺下之乎瑤圃余既滋琅菜之九畹兮又樹玉
英之百晦孰黃龍之泊乎鷹遊兮復移檝乎朱
崖恐海颶之竊發兮曳白玉而徘徊儵善澤以
余迺兮雨冥冥而披青蔥折珊瑚以爲鞭兮扳
余駕乎朱宮折紫蘭以要之兮余稅駕乎瑤池
奏琅璈以俟余兮孰云中情之可移紛猿狖其
卻走兮山靈款以嗽辭高霞孤舉以飛翔兮神

光蕩其合離惟此海天山色兮其飛鳧以逍遙
左右之青靄兮表裏乎紫霄孰云不察汝之中
情兮哲人豈不寤懷余情于九垓兮余焉能淹
而羈此終古彼詭質與怪章兮惟汝靈其鎮之
若衆芳之繁植兮惟汝庇其蔭之聽孤鶴之寒
嘯兮又遊鴻之遠吟騰八龍之蜿蜒兮飛白雲
于故岑迺其辭將終醉者婆娑青光方瞳拍板
長歌曰我有萬古宅近在蓬萊峰昨於三代時
來種東海松朝騎白龍過青天暮見滄海生桑
田歌言未寂焱然高翊竊目蒼蒼翳然滅跡

汪枚雲臺山賦

東海志

維女媧之煉石化五雲而補天遺瑤臺之一片
忽吹墮于海邊則有臨滄溟之浩淼而見夫雲
臺之高騫其爲山也鬱鬱乎菁蔥巍巍乎岵嶸
崩劣嶽崑岩堯卓犖扼齊魯之咽喉當揚徐之
鎖鑰行駢駢于百里依蒼莽于巨壑下瞰馮夷
上連碧落乍如六鼇之移儼似五丁之鑿秀色
長濃懿乎巖若旣詰嶮以盤縈亦扶空而磅礴
爾乃躡棲雲之頂登望日之峰明星欲淡夜氣
將終羲和攬轡于金樞之穴陽烏振翼于扶桑

之東隱霧猶白經天漸紅朗焉啟蟄曠若發矇
萬壑千巖昭然層霄之上九州六合渾焉一氣
之中斯則宇宙之大觀而與泰岱之日觀相同
至若洞號清霄花宮高峙聯阿閣與丹房閤金
牀與玉几寶冊瑛圖蟲綠蚪紫朱楹熠爚以鬆
彤雕甍磊阿而鱗比陋靈光之巋形駕景福之
頽址廟宇森嚴神祇密邇披緇削髮之流播鐘
鼓于晨昏裏糧荷橐之夫薦馨香而仰止嘉木
所植則石帆栝栢杞柳松楸莫不長枝覆日曲
榦蟠虬芳草所生則有玉紅月爾簡子長卿懸

巖之碧荃傍水之紫英續續紛紛馥馥菁菁齊
玉班而參差發綠苞之芳馨其南則弁霧華蓋
聳其形龍山虎山肖其貌小星大星旣礫落而
嵯峨東陬西陬更地設而天造雀葦瀉滷分蟻
垤于千羣鮭菜魚鹽簇蜂房之萬竈其北則精
舍棲雲遙接巨平之嶺丹崖峭壁近映朱紫之
山田橫之故壘安在鷹遊之孤嶼難攀潮落平
汀見隱隱之絕島風迴斷港來葉葉之歸帆東
則翳尾閭之巨浸翁百川以潏潏浮沆瀣于太
虛孰乘槎而遠颺蜃氣網緼烟嵐蕩漾依稀睹
鮫室與龍宮縹緲望瀛洲與方丈詭譎瑰奇千
變萬狀西則俯窺州治城倚山阿石室之春風
猶是萬花之爛漫如何地紀秦遊胸嶺殘碑已
沒山傳孔望聖人車轍曾過凡夫名區勝蹟固
不一而足而深幽秀特皆未若茲山爲多於斯
時也則有淮陰枚叔梁苑鄒陽來遊來憩極目
洗洋思遺世而獨立感浮沉于滄桑濯足萬里
之流振衣千仞之岡將招盧敖而與語偕安期
以徜徉歌曰雍熙之世慶明良秦階已平集嘉
祥有山旣封川旣濬維海不波風不揚吾將賡

卿雲之章

姚陶登雲臺山記

石刻

海州爲漢東海郡淮北險要東距海二十八里西南枕胸山今名馬耳雲臺山在海中圍亘二百餘里築三城山下形勢險阨與海州相犄角庚寅夏余以賑飢至海州念海嶼民困尤甚攜帑金自恬風渡海登舟暴風作舟人不敢渡余曰飢民枵腹待賑奈何不行遂揚帆至中流風益甚篷索盡斷大桅忽折聲震若雷一舟皆驚無復人色山下觀者飛帆來救余笑曰刺史

固無恙也易小舟至山下入鳳凰城卽南城也初未折桅時望見馬耳山雲起如炊煙黃沙蔽天俄而山盡失舟子云馬耳山雲起必雨已而果然雨兩日夜余冒雨賑畢由大村小村登雲臺山大村有石劍二高丈餘倒插土內土人云魏王朗墓也小村爲唐宰相殷開山故里殷有女贅陳狀元光蕊爲壻生三子卽三元兄弟蓋世俗相傳之說也行三里許爲靈官殿山徑幽曲草木暢茂更上爲十八盤石砌迂迴盤上爲南天第一門極頂爲站佛寺舊有浮圖遷界後

傾毀不復建北望青峰頂紺宮巍煥卽三元殿也上下澗水聲淙淙爲九龍洞山中溪流九道匯於橋下故名橋上平坦下極幽邃橋畔有松一株蒼秀可愛薜蘿苔蘚護滿其上撫玩久之循山而登皆就山石鑿爲徑至頂重門內爲三元大殿殿西南向前聳雙峰中漸平如繩見胸山如繡屏遠峙東南見海是日宿殿旁東樓有老僧年八十餘爲余談往事甚悉雲臺舊極繁盛煙火二萬家後以海警遷居民於海州贛榆諸處空其地康熙十六年漕督使者帥公疏請復界是時先少保公督師閩中大敗海寇奪其金門廈門二島賊日窮蹙且降故

廷議報可民始復業云夜半呼僕夫乘月登山觀日出由殿東石徑上一里許爲水簾洞洞中石泉極淺冬夏不竭泉甚甘美云爲三元弟兄修真之所洞後險峭難行攀援而上將五里始躋其嶺登望海樓東望黑雲綿亘海天一色久之黑雲上漸白繼而漸紅然黑雲未散海天猶相接也又久之海水漸紅雲光絢爛海天遂分俄而海水盡赤天皆紅無復白黑雲氣則見日浮海

上如車輪紅如胭脂寒光冷然波濤搖蕩忽飛
 升天上光彩皎潔奪人目萬山皆明實鉅觀也
 憶余丙子歲遊閩海登鼓山戊寅遊南海又登
 普陀俱觀日出皆視此為晚而相傳泰山日觀
 雞鳴即見海日蓋所登益高則所見益遠而時
 益早耳余曩每經名山大川未嘗不隨意登攬
 十年來一官鞅掌無復興趣今渡東海登雲臺
 看日出一拓鬱悒心胸謂非余之厚幸也乎

常安遊雲臺山記

崔志

海州標二營辛酉仲冬子由水驛駐板浦驗官

兵板浦去二營各三十餘里為適中地閱兵訖
 同梁維滄及五兒琦為雲臺之遊舟行十里至
 中正乘籃輿行四十里進山口仰視羣峰在霄
 漢間而逕紆且削棄輿牽挽而上越危石攀低
 枝目眩心悸凡七里至九龍庵甚憊欲少憩而
 清風頂如著色宮殿圖儼在咫尺復鼓勇行三
 里至山門而衆喘如吳牛矣展拜三官殿額懸
 遙鎮洪流四字

聖祖仁皇帝御筆也康熙十九年頒

賜國初海烽未靖茲山為海道所經遂封閉禁民居後

雲臺新志 卷第四
漕使者帥公顏保請開山禁招僧備灑埽三年
遂

賜額按州志雲臺山在大海中周圍二百里清幽雅麗
雲氣滃鬱三官經所謂雲臺山上放大毫光是
也近二十年來海驟淤山東北面百十里皆爲
陸地可耕作非復昔時島嶼孤撐陡絕於海中
者矣蓬萊水淺東海且復揚塵麻姑非妄語也
殿東設榻陳俎澗毛野菽亦足果腹興勃勃欲
登望日樓以觀海僧以險請止子曰不巔胡遊
也令前導過藏經閣玉皇殿幽壑裕衍不可得

徑榛莽荒忽中忽埒而隧復宛委以升礪礪輪
困十武一憩至望日樓傾欹不可登別陟其巔
鯨波蜃沫浩瀚杳靄髣髴盪乎胸襟而若欲若
歎不別天地矣循故道而下山之陽猶見青紫
未枯之草陰則積雪斑駁中道小憩於好生堂
屏竹社始還三元宮晚而僧出碧玉圭一白玉
帶二皆溫潤無瑕玷又佛衣二襲一繡佛千計
一萬計工麗無匹乃有明萬歷年頒自宮中物
僧通周鄙俚無文知守此不失墜亦可取也僧
旣去予出中庭步冷風灑松梵磬徐發山月淒

朗寒色襲人柳子厚所謂境過清而不可久者是也遂歸寢

梁劉峻過胸陽因登郁州山望海劉戶曹集

滄潦聯霄岫層嶺鬱嶺崩下盤鹽海底上轉靈

鳥翼溟渺非可辨鴻溶信難測輕塵久弭飛驚

浪終不息雲錦曜石嶼羅綾文冰色

宋蘇軾次韻孫職方蒼梧山蘇文忠公集

蒼梧奇事豈虛傳荒怪還須問子年遠託鼇頭

轉滄海來依鵬背負青天或云靈境依賢者又

恐神功亦偶然聞道新春恣遠覽羨君平地作

飛仙葉心烈大觀蘇軾詩是二楚詩歸於去無謂

明王時揚遊雲臺山明淮安府志

山形舜輦遊山名禹書揭六鼇負海間即此便

奇倔正序饒變態經冬逾鬱淳騁懷本游子况

有居氓逆褻濡詎能待策蹇破晨冽霜刀翦裳

衣風櫛梳頭髮行旅斷荒濱其誰犯溟渤人定

亦勝天孤航凌貝闕陽侯十丈高簸蕩鼉鼉窟

浩瀆駭盱衡欹仄墮心骨擊汰在食時高春乃

捨筏瘖痛收驚魂相從踏寒月野飯茅店香聞

雞醒窺窳肩輿折山阿凍客迷坳凸須臾解流

澌策杖幾顛滑喘汗南天門海氣遠迢忽島嶼
盡培塿箕弓或劍笏振衣赴千仞巖嶮爭唐突
日營旣潛蛟手扳復棲鶻應接勞一身心足兩
跪跪拍肩非洪厓負背類蛭蟹明神起何代出
處異仙佛傑構薄崇霄十萬黃金訖奔走區夏
人天路成阡術吹螺擊大鼓鳴砲縈煙燔山僧
六百輩三四知禪律爲余說上頭有峰高聳翠
晴明夜及半可瞰朝暾出圓蓋小車輪餘光散
黼芾細大燭分明燃犀差彷彿遄飛會孤逞覲
得開蒙沕滕六舞瑤瑤巽二蜚鸛鷓欲去無階

梯舉脛骭深沒膺頭雙松蓋千載偃如樾徒誦
孝子詩戶牖窺蟠屈俟霽如河清悵別空噓艤
留斯未了因心想作重發回頭銀色界非復向
藍蔚雪濤大海中異狀更搖抗置身眞天人接
待若恍惚生平事遊敖吳楚及甌粵流覽浩無
垠茲遊不可越康莊厚通顯奇險酬痼癖角齒
理固然冥心謝造物

國朝紀映鍾望東澁山

已字山樵詩集

海澁有澤民蛤牆荻作屋斥鹵汲爲泉飯糲不
待熟張網向潮頭日夕水中宿蟹蚌如泥沙齋

雲臺新志 卷第四
醢實巨斛瀝剝無停時棄甲量以谷腥風被廣
野炎氣殺草木此獨非羣生不爲昊天鞠峰頂
眞人居含慈萬靈育嘉卉攝諸山甘乳流四麓
坐臥雲霞中屏絕風塵熵咫尺天人殊龍蛇劇
走陸

楊錫紱雲臺山

四知堂集

海上神仙杳難卽雲臺插天海邊立幽巖邃壑
水周遭福地流傳此其一波濤瀕洞渺無垠出
沒蛟龍撼鼇極有時膚寸作霖雨雲氣溟濛迷
咫尺傳聞絕頂盛琳宮欲上天風生兩腋齊州

下視煙茫茫星斗手捫青歷歷道人羽化或有
之不死豈眞憑服食秦皇東遊何爲哉定遣神
鞭驅碣石天子神仙豈兩兼鎬池已遺明年壁
至今方士說蓬萊縹緲虛無誇藥力身無仙骨
終盡耳便到三山竟何益一聲雞唱東方白過
眼奇蹤休坐失臥翻雲海盪心胸試上峰頭觀
日出

楊錫紱東海蒼梧山

四知堂集

舊壘頽摧草徑蕪閒從馬上問蒼梧山頭片石
千秋在曾見當年帝子無

楊錫紱從蒼梧山望雲臺

四知堂集

攢矗千峰百里環捫蘿曾到翠微間

二十八年會上雲臺

空傳火棗如瓜大不見仙人海上還

崔應階登雲臺望日峰

崔志

峭壁峻嶒聳碧空白雲深處隱琳宮三元自昔

鍾天地百福而今錫叟童鶴馭遙飛滄溟外鯨

波直射海門東偶來杖策閒遊眺不道登峰老

更雄

張賓鶴雲臺山三首

仲謀詩贖

當年曾踏蒼梧頂一杖穿開萬疊雲山徑重來

覓苔磴石橋依舊護松筠天門日觀經迢遞古

殿靈旗降苾芬海水搖空落杯底齊州九點盪

無垠

山勢縱橫萬馬迴天風扶上望仙臺金堂石室

有高躅紅芍露桃無數開傳說龍淵能致雨遠

聞潮鼓欲驚雷舉頭更覺星辰近坐待論詩匡

鼎來

枕流漱石洗癡頑身在他山憶故山一勺泉香

夢龍井三春櫻熟飽漁灣溪風清磬禪初定煙

暝浮圖鳥欲還歸路沙堤渺雲海劇遊豪興未

能刪

吳恒宣登雲臺山六首

郁州山人集

蒼梧何鬱鬱飛自西南來連山復阻海千古標
崔嵬俯視極東溟巨浪當空排扶桑若恍惚照
耀天門開昔傳炎方物草木何時栽扁舟訪仙
藥徐福去不回秦皇事已遠碑石空沈埋
憑高望遠海蜃市終荒唐回頭登彼岸金闕瞻
煌煌昔託羽士樓今爲衲子堂松濤叶清籟鐘
磬聲悠揚傳聞出世僧崇巖建佛場貝函賜大
乘寶月騰輝光坐此覺禪悟結念思渺茫

秦漢有古邑湮沒不可求幾見磊石處誰辨南
青州離離嘆禾黍潮汐浸田疇捍堤思善政築
堰陳嘉猷昔在島澗間耕鑿猶無憂矧今接平
野寧乏廊廟籌沮洳入圖版經畫如何謀
宋武據山麓孫恩乃倒戈李寶扼海道金人乃
議和洵知山海間便於用武多王者重設險守
禦誰敢過有明列屯衛所責在防倭何如播德
化海水無揚波誰知保障力安樂營巢窩
昔摩鬱林篆兼讀乘槎詩前人遺翰墨文獻至
今垂風流旣歇絕搖落還傷悲迢迢百世後繼

起其爲誰昔者灌園子今作捕魚兒所利在山
海何事詩書爲安得播絃歌盡令風化移
我愛疏太傅歸來散賜金我愛田義士刎頸矢
丹忱知足乃不辱尚義有同心至今千載下空
谷流其音陵谷幾遷變聞見隨浮沈昔賢不可
作往蹟徒相尋緬懷屬遐想太息起長吟

吳進登青峰頂

一詠軒
詩草

極天山至高此恐出天上盤曲躡巔巖神宮開
宏敞天光遙空明海水汨沈滌眼界到此寬豁
然胸懷蕩萬籟漸以靜廣漠絕影響

管幹貞雲臺山

松匡集

絕壘孤懸渤澥天曾遷豪傑避烽煙栽桑東海
人誰見種豆南山利可捐一疏靈巖開斧劃萬
家爨火復雲連卽今千仞丹崖聳荻屋蝸牆草
木鮮
飛來炎岫壓重溟巨浪連天倚翠屏萬里淮黃
籌去路千秋酈郭注東經田橫島廢春潮滿徐
福船虛紫霧冥絕頂三元香火盛仙居呵護有
山靈

何事乘槎破浪遊登臨隨意狎輕鷗雲中雞犬

居仍密城外滄溟僻自幽蟲蚪篆深巖翠古魚
龍氣暖渚田秋淮流弄月何年了欲訪丹邱此
築樓

清夢偏縈海外山仙風雲上絕躋攀一軍下瀨
如荼盛半嶺棲禪似鶴閒月色欲添懷抱闊霜
痕漸改鬢毛斑司倉司戶慚相見沙鳥游魚共
往還

唐仲冕奉檄重至海州十三首之一 陶山詩錄

勾當營田踏澗塍海雲招我上峻嶒客都來赴
銅魚約老尙能騎鐵獺登頗喜規模新梵宇還

思香火舊山僧恍如昔日祈羣望雷雨秋生午

夜燈自灑半盞去疑觀空問鷲鳳聲永闕天宮

陶澍壬辰四月念六日偕鄒公眉謝墨卿暨諸

同事登東海雲臺山作 印心石屋詩薈

振衣直躡蒼梧上 水經注此山從蒼梧飛來故上有南方草木 萬里

瀛雲鬱此臺眼底地形三島在域中山勢兩條

來黃流一氣包淮海青頂雙峰挾雨雷 極高為青峰頂

又有金牛頂 傳與鸞鳩應一笑十洲風景信悠哉

石級層磑手歷捫剛如靈岳訪天孫 階級比岱頂之天門

峻尤山空一任雲今古潮遠能迴日曉昏每怪齊

人夸北海浪傳秦帝表東門江河路奠朝宗永
可是鼇維此柱尊

曾聞舶禁限當年畫地拋荒事偶然順治十八年以海禁

畫此山置界外徙其民於內地康熙中復之都郁久知洲即島山海經以

此為都洲水經注謂之郁洲桑麻今變鹵為田乾隆中海漲東徙百餘里

山遂為岸卻緣王海疎禺筴欲引神山渡願船淮北商運

疲敝擬改行票鹽之法聽民販自便澤鴈歸來雒雒滿早麩香送

午風宣

半生自慨牛馬走長嘯忽聞鸞鳳聲海闊天空

有斯境水流花開無世情逕思結伴拾瑤草可

許上仙貽玉英夕濟郁洲倘能賦述初何日遂

鴻征崔季珪述初賦吾夕濟乎郁洲即謂此山

林則徐次韻印心石屋詩薈重臣旌節此

華蓋星辰擁上台雲臺之北對峙者為華蓋山

登臺似聞初日天門啟真見仙人海上來雲氣

龍堂深致雨潮聲鯤壑響驅雷千秋孔望誰能

企聊喜觀瀾賦水哉孔望山在海州東五里與雲臺相映發和傳孔子登

此山望海故名鵬背青天笑共捫坡仙吟侶職方孫來依鵬背負青天東

坡次韻孫職方層樓望日樽枝曙海曙樓半嶺吞

蒼梧山詩也

雲竹樹昏竹節嶺可許成丹燒石竈也應留帶鎮

山門登臨本是瀛洲客滄海橫流倒一尊

甌脫曾傳畫地年順治間以海禁畫此山村墟

收復故依然鋒磨石劒波如鏡山下太村頂幻

金牛海是田青峰頂亦曰金牛頂但弭輕塵元靖訣劉孝標登

郁洲山詩輕奚煩夕濟季珪船岸季珪述初賦

山已灌輸况裕牢盆計快聽江淮號令宣公奏行

淮北粟鹽奇民便之

正向金鼇躡頂行已聞丹鳳毓雛聲八州督是

傳家業三過門知濟世情菱舍歡悰誇繡襖充

間詩讖掇瓊英茲遊未及陪筇屐湛輩猶思策

邁征

梁章鉅次韻印心石屋詩蒼

劒履平躋鳥道開真看策馬上雲臺河工舊金

天蹟自都州滌玉局詩從海市來路仄千盤披

夙霧風迴一壑走晴雷鯨波清宴鴻磬輯麥隴

旌旗亦壯哉

金牛絕頂列星捫海外山如繞膝孫沂沫波痕

環帶礪方蓬雲氣接晨昏東封螭篆渾無跡北

戍鷹游尚有門指點田橫孤島上耀兵喜近凱

筵尊

公以閩伍過此適聞楚南平糶之捷

桑海蒼茫閱歲年尾閭莫定此巍然潮平萬里

聯沙積岸列三場關鹵田已裕征輸齊相筴

時

行票

况兼賓從庾公船

謂鄒公眉謝墨卿諸君

遙知葱鬱

胸陽路擁篲承歡德意宣

十年前憶海壖行但聽仙巒鶴唳聲

章鉅官准海道時會

以理蝗過此山下而未暇一登至今耿耿遲我三神空在望招人九

曲亦多情

章鉅會屢遊武彝時將引疾歸里故及之

乞湖自急歸田

計生嶽應推命世英瑤草琪花隨地是紫琅聞

更待駢征

時公又將閱伍通州

張井次韻

印心石屋詩蒼

愛讀新詩意境開眼中突兀見雲臺懸知徑自

遙天入借問飛從何處來大野旌旗翻落日上

方鐘鼓隱輕雷登臨試證坡公句平地能仙亦

快哉

峰高聞說斗堪捫見否虬松枝長孫

山中有大松傳是三

代時

試訪仙靈應咫尺為耽吟眺閱朝昏風雲

鵬背疑無地潮汐鷹遊別有門不得雄篇來表

述誰知海內此山尊

蒼梧軼事紀虞年荒古傳聞豈盡然絕巘著花

人記石

曼卿

平疇策馬海成田

斯文襄治河書言百餘年當可策馬

而上雲臺今其言驗矣

五更日出窺仙闕萬里波平見估

船料得山椒重回首雲中梵唄正高宣

憶昨扁舟泛海行

庚寅年事

偏輸佳句擲金聲濁流

困我終無俚靈境期君太有情天外舉頭迴日

月風前側耳落韶英未須便作餐霞想共濟還

思賦邁征

俞德淵次韻

石刻

終古郁州青不斷蒼茫雲氣結層臺千重金碧

排空現十隊旌旗閱武來勝事後先符甲子

乾隆

壬辰公同鄉崔吉升宮保閱兵海上曾至威名

熠燿走風雷軍聲動地潮聲應如此登臨亦壯

哉

篆壁藤蘿次第捫

山多唐宋人石刻

篋管繞徑長龍孫

長天碧海鯨波靜落日紅濤蜃氣昏百級仙梯

齊泰嶽

公詩注云階級比岱頂之天門尤峻

一痕秋練指吳門沙

堤接引成嘉兆旦晚重瞻使相尊

沙堤接引為是山廿四景

之一

荒陬重關幾經年風景于今喜晏然萬竈午晴

融雪海一犁春雨鬪山田水村籬落懸魚網煙

島帆檣聚客船况是哀鴻安集後

恩綸頻代

九重宣

金闕瓊樓無上境松風竹雨步虛聲

山極高處為青峯頂

建三元宮文章喜得江山助軒冕難忘湖海情露浥

三清餐玉濯月明半嶺種芝英蓬萊咫尺何時

到夢轂空隨旅雁征

鄒錫淳次韻

印心石屋詩曾

煙霞深護三重閣雲物平臨百級臺萬里日輪

朝湧出九疑山色夜飛來蒼龍蓋偃蟠陰壑碧

海潮生走怒雷郁鬱洲原壺嶠境登高舒嘯信

佳哉

為訪金牛蘿葛捫諸峰下視列兒孫風颺振撼

危樓圯

海曙樓據一山之勝近已傾圯

苔蘚蒙茸斷碣昏三島

延緣通地軸九霄詆蕩啟天門靈區自是仙官

宅豈讓茅君奕世尊

展禮名山祝有年阮孚蠟屐豈徒然鹽堆斥鹵

千層雪稍刈琅琊萬頃田海水不波知

聖世蒼生普渡得天船新詩畱鎮山門後授牘深慚

及仲宣

五十年華蓬鬢影三千法界曉鐘聲山巔野馬

無羈勒山僧牧馬於青峰頂海上閒鷗有性情讀易敢占

茅拔暈反騷猶願菊餐英焦巖杜若如相待懶

更乘風賦北征

李湘菑次韻印心石屋詩蒼

聞道郁洲懸海外峰巒高處有樓臺求仙舊說

成橋去問俗今看騎馬來靳文襄公有百餘年後騎馬上雲臺語

邛壑新奇迴日月波瀾壯濶捲風雷東山雙屐

知常健覽勝登臨亦快哉

石磴盤旋葛共捫衆山到眼似兒孫兩條青入

天光迴萬里黃流日色昏氣滉魚龍迎其闕嘯

回鸞鳳擬蘇門上方試訪仙居勝紺碧玲瓏法

象尊

蹉網淮北滯年年覈算懸知陋計然公於今歲奏行淮北

西京鹽煙火萬家屯穴竈滄波千頃變腴田山前今成陸路

磨厓佳句珍如錦濟世虛懷用似船默向慈雲

成預卜公於拈香時默禱署中果育石麟日邊五色正相宣

蓬瀛可望不能卽曾聽洪濤出沒聲菑於道光癸未由海

州赴板浦道經雲淮海動關天下計青齊遙繫

故鄉情雲臺北望瑯琊諸山俱在目前仁風幸接江東傳公書登雲

臺山詩於
扇見贈
真像爭窺洛下英
錢叔美繪
圖新成
我欲追
隨圖畫裏振衣千仞看雲征

陶廷杰次韻
印心石
屋詩蒼

海水周迴逾萬里崑崙東下峙雲臺天臨日月
星辰近地湧江淮河漢來樹老千年疑化石山
深四月不聞雷而今簇擁迎旌節益信

昇平庶矣哉

分野奎婁宿度捫喬松千尺萬龍孫巖前似聽
鸞音嘯島外全祛蜃氣昏風引鸞帆來大壑雲
開鵬背負重門不緣健筆凌霄賦觀海誰知地

最尊

家學源流溯昔年黃江行詣故貞然
先贈公學
問深淳行

敦孝友學者稱
為黃江先生八州重領長沙國五斗誰荒下

溪田畝筭關心紆府海
時方籌辦淮北饑
務改商運為民賑詩籌
隨意送觥船風風雨雨平生願都入征鞍暢迺

宣

曳履天閭原咫尺仙風吹到步虛聲弗關海若
相梯引早識洪崖不世情碧澗當簷仍落蔭白
雲出岫自英英畱題更壯山川色茅茹從教筮
彙征

李彥章次韻

印心石屋詩薈

左海十洲初出日東方千騎正登臺禹功尙賴
回瀾障孔望曾經問禮來一柱擎天垂宇宙九
峰拔地起雲雷山川能說高能賦勳略雄才兩
快哉

諸天星斗近親捫巢穴從今靖呂孫

漢時瑯琊呂母招集

亡命自保東海巨平山晉時孫恩浮海北走郁洲

旌節花開迎仗衛魚

龍浪靜洗朝昏三盧重鎮安淮甸一髮黃河暢

海門得見歐公奇偉作尋常泰華未為尊

甘棠芟舍蔭多年謀

國憂民更睠然桃核黃泥方照海稻梁斥鹵各成田

近聞板浦通離市

公議行淮北粟鹽今已暢行卓著成效

遠憶嚶

遊送運船

海州有嚶游山在海中元時海運所經公會籌辦海運故云

身是

江淮張節度巡行何處不籌宣

人歌功德江河量喜入和平鼓角聲同日毓申

鍾嶽氣長生報東見民情始知呼吸誠能感益

羨芝蘭秀有英家慶畱添方鎮表一門濟美彙

茅征

謝元淮次韻

印心石屋詩薈

到此蓬萊真不遠忽驚天際湧樓臺千巒競向

雲中出一夕飛從海上來世傳此山自蒼梧南徙上皆南方草木

喜見南方多草木吟成大壑響風雷陪遊幸得

隨筇屐間闔披襟亦壯哉

蘿薜扳緣手共捫苔岑得雨發蘭孫飛仙拔宅

乘雲杳旭日臨風破霧昏絕頂上開雙玉闕青峰

金牛二頂為此山最高處斷崖中闢一天門南天門踞雲臺半山之險為入

山戶長庚自有驚人句呼吸應通帝座尊

桑麻播植始何年俯視塵寰意灑然釣月漁歸

沿海市鋤雲僧種傍溪田蛟宮氣接三山路島

國風迴萬里船此日巡邊兼問俗荒陬雨露待

恩宣

五更羲馭初離海半夜風潮聽有聲已為名山

添勝迹宮保題所憩還因老樹寄雄情山澗有古

松甚瓌異相傳三代上物救時決策籌鹽宮

筴何日揚帆采石英聞道峒溪猶未靖時江華逆猺蠢

動尚稽旅人宵夢感南征

陶澍重登雲臺山詩帖

又踏金牛頂上行海風飛鳥上蓬瀛蛟龍瀑外

晴猶挂雞犬雲中夜有聲為訪仙人尋舊榻喜

偕詞客證初盟長松迓路三年別卻笑公髯雪

已盈

雲臺後頂及湖南諸山

金牛頂

顧志在清風頂後俗呼為後頂有金牛洞一名二仙洞相傳金牛二師修道於此

國朝程宗城過後頂

怡怡軒詩鈔

芒屨踏徧古雲臺又見峰巒萬仞開拔地奇松撐翠蓋接天飛瀑響晴雷鴻音似櫓依人近蜃氣如樓駕海來更向金牛參棒喝空青賸有白雲堆

謝元淮過屏竹社登青峰金牛絕頂望海

養默山房

式與詩藁

要陝西三原縣東鄉人表風流也嘗

攜山高地易隘寺西獨幽曠竹社竹為屏木石任山舒暢破壁蟠古根湧泉積清漾徐行過小橋仰覆駭飛障粥魚喚遊人出林眼愈放賈勇忽先登默深舍人卻步屢退讓清如孝廉掉臂來于于共躋青峰上子與艮甫比部緩步同登胸陽百里間最高此莫抗大海浮圓穹長風送遠浪天地與同流元氣資鼓蕩壺嶠應可尋煙霞非一狀歸話細追評奇觀信跌宕

竹節嶺

顧志嶺在大村老君堂東山形峻如竹節

香鑪頂

崔志在清風頂前山最高峻上有石形似香鑪

謝祿山

隋書地理志東海縣有謝祿山太平寰宇記謝祿山在東海縣城西一里案漢書王莽時東海徐宣謝祿等擊王莽將田況大破之曾屯兵於山因名方輿紀要州西二里祿東海人赤眉將也嘗屯兵於此因名考後漢書劉盆子傳樊崇起兵於莒轉

入太山東海人謝祿起兵從崇共還攻莒轉掠至

姑幕因擊王莽探湯侯田況大破之遂北入青州

還至太山畱屯南城注南城縣屬東海郡有南城山東觀記謝祿

字子奇東海臨沂人案寰宇記謝祿山在東海縣

城西一里方輿紀要謂在州西二里者誤也凌廷

堪校禮堂集謂謝祿山即今之社林山

國朝凌廷堪登謝祿山觀海

并序校禮堂集

宋樂史太平寰宇記東海縣有謝祿山在縣

西一里王莽時東海徐宣謝祿擊莽將田況

大破之曾屯兵於此因名按今鳳凰城即宋

東海縣故城山在城西一里與記合

按凌君之說亦

未覈詳見考證門

其為謝祿山無疑土人呼為社林

山蓋聲之轉也舊志不知鳳凰城為東海故縣第稱賈似道所築蓋似道寶祐二年嘗城東海也乾隆乙未同章酌亭來游賦此紀之俟他日撰地志者采擇焉

陽侯驅濤天外來巨浪倒蹴青天開瀆淪一氣望不辨喧闐白晝生風雷長空灑滌日月伏遠浦擊汰鼉鼉迴被襟有客踞峰頂下瞰萬頃如一杯金蟬小島浪花裏狂瀾作柱猶崔嵬天風

浩浩肆鼓盪兩腋蓬勃何雄哉乘風我欲到元圃願挾盧敖遊九垓青螭桀驚不可馭側身東望空徘徊妖蜃播靈競幻化滄溟忽闢金銀臺飛仙羽士控鸞鶴珠宮貝闕疑瓊瑰眼前此景許誰道元虛一賦真奇才昔者巨君竊漢鼎赤眉曾此屯渠魁西行人關走更始提挈盆子如嬰孩白水真人坐高邑迅埽六合無氛災鐵脛銅馬已泯滅尤來大槍俱破摧茲山尙得名謝祿不與囂述同蒿萊田橫島連呂母固至今魚鼈猶生哀海濱自古稱盜藪鯨窟安得揚塵埃

分爭割據底足問鯤鵬蜉蝣皆劫灰俯仰宇宙
三歎息浩歌擊劍傾尊壘

鳳凰山

漢書昭帝本紀始元三年冬十月鳳皇集東海遣
使者祠其處山之得名當以紀瑞應也顧志在東
海城內兩山東西對峙如鳳展翼故以名山

陳文述東海古跡詩

鬱洲旅
逸詩鈔

高臺幾許臥斜陽此地曾經集鳳凰我亦鳳凰
山下客偶逢竹實且來翔

九嶺山

俗呼爲九里山顧志在東海城北山有九嶺如九
嶷之象崔志此山卽雲臺之右臂自中峰至此山
勢蜿蜒嶺凡九疊故當時以蒼梧命名言其象蒼
梧之九嶷也

獅子巖山

顧志山與九嶺山連麓大村東南巨峰也陳州志
在東海城北二十里形如獅子有泉曰濯纓旁刻
飛泉二大字下有鬱林觀石壁多唐宋題勒崔志
在大村南當路村東

雞嶺山

俗呼爲雞鳴山顧志在大村溫水河北

羊石山

趙續志山在小村北山有巨石似羊

巨平山

元和郡縣志太平寰宇記皆有此山方輿紀要州

北三十里

案當作東海城北三十里

一名由吾峰南接東海北

抵墟溝中有龍潭其南嶺上有呂母固高二丈卽王莽時琅琊海曲呂母招亡命數千殺縣令還保海島處案峰名由吾當因北齊由吾道榮曾居此山也

棲雲山

太平寰宇記在東海縣東北四十一里卽巨平山

之北嶺梁明僧紹遁迹於此此山高渺故號棲雲案南齊書明僧紹傳僧紹之鬱洲住弇榆山棲雲精舍是此山古名弇榆也

菩山

趙續志俗呼爲煙墩山崔志在巨平村北上有墩臺

楊家寨山

顧志在蒼梧東南與南北磊鄰

雲臺新志

卷第四 山水上

長

松崖山

趙續志卽新縣大東山高侔雲臺懸壁間多產古松直接雲表

虎山

在新縣村北顧志在孝婦祠直北一里許其形如虎陳州志高一丈東西長三里南北闊一百五十步

龍山

顧志虎山東南四里其形如龍巍然一角獨挺山首陳州志高七十五丈東西長二里南北闊二百

三十步

國朝吳楷登龍山望虎山有作

濃花野館詩鈔

太行之首有龍門赤鯉吹花狂浪奔安得狸奴脫凡骨山君勢與相吐吞白虎青龍紀坤軸青鳥子說偶爾存五丁一笑運大斧手招神龍笑語温欲借公形作山勢東鱗西爪涵煙村神龍不肯癖孤寂相約獸王來與蹲不好真龍慮虎尾小儒咋舌安足論我且引青龍杖飲白虎尊試登龍山學射虎石上猩紅認羽痕

諸韓山

諸韓村南山卽松崖山之陰林樾蒼蔚水泉清美
較諸山爲最俗呼大腰山小腰山踰小腰山而上
爲吳氏卽林園有碧藏樓鎖筠居諸勝詳見勝蹟
門

弁霧山

江南通志在虎山東北雲霧在上望之如冠弁陳
州志高一百十丈南北長一里東西闊一百七十
步崔志在諸韓村北俗呼爲別母山今土人呼爲

蝙蝠山

國朝吳之棫春曉行弁霧山麓

澹村詩鈔

策蹇郊原外閒從嶺畔行東風吹不盡曉霧又
將生野鳥逢人喚山花夾路迎後遊期脫帽高

詠趁春晴

華蓋山

江南通志在弁霧山東形如華蓋陳州志高一百
三十五丈東西長三百七十步南北闊三百四十
步

國朝唐昆基華蓋山

深柳堂吟草

幾處嵐光映物華香煙福果證無差垂來珠絡
方排闥飛盡芝雲正落花楊柳春旗圍彩仗金

銀貝闕認仙家丹崖翠壁知多少到此山靈莫浪誇

小鬲山

元和郡縣圖志小鬲山在東海縣北六十里田橫避漢所居之山也其山三面絕壁皆百餘仞惟東南一道略容行人方輿紀要其上累石爲城亦謂之田橫固顧志卽田橫岡大島之北折而西一名隔峰山陳州志田橫岡高七百二十丈周圍十里在隔峰山之上入剡山芥夾亂巖對海限銀鬲高

大島

一名金蟬大島在諸麻村東北顧志與小島對峙相去三里許潮生則沒其麓今下皆灘田陳州志在東海城北五十里高二百五十丈周圍約十餘里

小島

陳州志在大島南高二百五十丈周圍二里崔志一名金蟬小島

石礪山

卽東磊黃申瑾雲臺圖稱爲鐘鼎土人呼中頂顧志在北溝浦上其山層巒疊嶂怪石嶙峋雖坡阪中悉如鴟蹲龜伏無畎畝原隰可耕山農於石室

空中種瓜芋以餬其口近有櫻桃千餘本雜以諸樹紫翠爛然亦春遊佳境也崔志石礪山在雲臺清風頂東天生巨石相疊如磊字狀故名東磊今山多古木雜植花樹殆以萬計實爲大觀

常安東磊記

崔志

宿清風頂越日詣延福觀出三元宮曉雲出山谷海霧迷空而下相雜糅鱗鱗然如波如浪米襄陽畫墨瀋淋漓尙未能狀此浮浮白也籃輿行雲霧中久之抵九龍橋觀九龍洞又久乃出山口五六里雲漸斂復循山東麓行路頓險磳

确魄柯昇卒上下如貫猿步不及寸後趾躡前趾迄不得進舍輿扶掖而行而峰巒層疊連屬擁翼秀拔萬狀正以得其驚畏爲可喜其峰曲如列屏峭如立壁或矗如攢劍或銳如植圭琳宮瓊宇輝煌紺碧隱然杳靄間亦勝境也黃冠紛紛下迎且前導逶迤降陟數百磴始抵觀觀左右率大石如累卵每累則三或上一下二或相疊積歷落堆垛不相粘而土花苔蘚封其隙陸離斑駁雖商周彝鼎器未足比其古茂也嗚呼鴻荒之初孰經紀而營媵之真令人疑造化

之有爲也雲臺昔在海中而東磊更其陡絕處
遊人罕有至者以故無聞焉余幸至其地爲盡
搜其奇而記之或曰茲山饒桃杏春日尤勝花
光山色相映發余曰歲寒浮豔全凋山之真藏
畢露正未可以冬爲遜也桃杏於東磊何有無
之足云

唐仲冕東磊銘

陶山
文錄

黔羸胚儵忽鑿爪盤隨蹠磊落重黎熙靈焉託
巘筭篁肱橐籥暘晉岫吳朝壑夔虛遂馮蟻躍
圭郁東聖產博勒棧齧世懿鑠

師亮采東磊銘

禹門
文鈔

鬱林礪石虎兕臚西揖積石東蒼梧碌碌珞珞
海欲枯鞭山走鐸萬石逋祖龍始帝立石胸七
十二碑蛟龍趨金剛菩薩緘筴肱召縛鬱律收
神荼夔魑磔磔村留呼盧敖掖我海若扶御彼
織阿來靈圍忽入暘谷陟石閣丹房燭日朱霞
舒水仙喟息鮫女噓青腰乘弋桂襦襦伏虺蕩
莽滓穢除風行水息恣我如騎龍跨鳳牽厥裾
金雞玉犬風雲驅天鐘天磬天鼓俱扶桑東背
虞淵墟延康赤明龍漢初三元上帝金籙圖錯

珠間玉敕水符三重石室崑崙都真形五嶽不可摹函以青玉簡黃櫨左龍右虎青泥塗日魂月魄陰陽爐三十六天風雨麤天氣地氲萬物郭鯨魚拍浪人乘桴龍樓蜃市須臾無我來東磊呼天吳手招旋波舞提謨陶山作銘三字姝金科玉篆體不拘我之與公蛩駞七言人石字字癯一銘再銘德不孤

張賓鶴東磊

仲謀詩贖

蜿蜿蜒蜒虬龍形歷歷落落羅天星縱橫怪變各異態奇古突奧垂新礪或疑女媧鍊石補天

後手役雷電揮五丁不然秦王當年俯六合一鞭驅此來東溟東溟自古名勝地蒼梧嶒翠摩空青襟山帶海控齊楚風會自應趨百靈老夫生平兩遊屐卅載萬里雙浮萍今年胸海落吾手探奇三磊窺瓏玲雖無丙丁與甲乙樂天自可留新銘惜哉米老無所及不將墨妙垂虛亭題詩埽石待歸月仙風縹緲來娉婷

唐仲冕奉檄重至海州十二首之一

陶山詩錄

雲臺陳俊輒先歸

謂參戎陳雨峰

跨鶴相迎揖羽衣一

路泉從銀漢落半空山作錦屏圍雨餘攀磴捫

青壁醉後和雲宿翠微指點桑田沙島外十洲
帆影到巖屏

謝元淮七月望日同良甫默深騎馬登金牛頂

行叢石中十五里至東磊

養默山房詩藁

山馬習登山駢駢盤巖阿橫斜升峻坂度險如
平坡金牛高復高聯轡凌嵯峨巔雲收未淨靄
靄鋪輕羅馬蹄青破碎蹴踏雲之窩相顧不得
語撲面天風多下方望縹緲或恐訛傳訛隱約
三神仙騎馬雲中過前卑後益峻亂石行逶迤
回首先驅處尖峰青擁螺遙知近石礪

東磊亦名石礪

山樹木交枝柯

圍屏山

崔志卽石礪山前面趙續志上有延福觀層巒疊
嶂形如列屏黃申瑾雲臺圖稱爲翠屏山

國朝羅珍圍屏山

蘊輝詩屋集

山勢巍峩列畫屏峰巒明秀得天真淡雲輕霧
倪迂筆點綴丹青半壁新

謝元淮圍屏山

養默山房詩藁

順坡十里餘勢欲倒平地如何足底峰回看仍
雲際羽士笑相迎真從天上至山麓石削成壁

立若屏衛老樹根青冥點綴成異致倒景凌滄

波萬里喜澄霽小島浮雙螺山下為延福觀門臨大海有大小金

島蟬噪聲嘒嘒櫻桃數千林枝枝布濃翠常聞

暮春時採摘聚佳麗東磊櫻桃最盛成熟時婦女羣往採摘遊人多攜酒

聚觀今來值新秋且共竹間醉

萬靈山

崔志山在清風頂東南孔雀溝上雍正間有萬靈道人苦修於此

楊家山

顧志在關中村南外障海潮內皆沃壤為蒼梧諸

山屏壁

李家山

崔志俗呼為鯉子山顧志在楊家山東北外障海

潮內皆沃壤緊接凌州村

鏡子崖

崔志在關中村北崖有石似鏡

張賓鶴鏡子崖仲謀詩賸

澗底花繁碧蘚滋仙風長護露桃枝峰頭有石

明于鏡照徹山雞罷舞時

虎窩山

顧志關中村西北隅卽蒼梧右嶺以其形如虎踞故名中藏桃李松篁春遊最盛亦棲真之所

浦山

崔志在水流村西南顧志此山通於海浦在社林山東北去東海城一十五里

札山

崔志俗呼爲茆家山顧志在水流村南緊鎖一村水口形小而圓山陰卽鴨兒蕩

社林山

陳州志高二一十五丈周圍二里顧志在東海城東

六里舊有土穀神祠案凌廷堪校禮堂集以社林二字爲謝祿字音之轉詳見謝祿山下

溪雲山

崔志在諸曹村北華蓋山東三里與雲臺諸山形似斷而脈接顧志東海城東北在諸季莊沃壤抱其後隔峰屏其前清幽秀麗雲氣滃鬱蓑衣道人棲真於此

黃泥嶺

崔志嶺在溪雲華蓋之間爲萬金湖南往宿城大路顧志在隔村東里許土色純黃

湖北諸山

沃壤山

陳州志高一千二百六十丈周圍三十里江南通志在華蓋山北近石城村顧志此山首起湖北峰高幹遠東抵海西止修堰碑亭折而北為平村之東山又折而東為墟溝之南山自南山遵嶺而東北則孫家山高公島絡繹不絕直抵大洋

留雲嶺

舊名虎口嶺崔志一名湖口嶺在沃壤山東與湖南黃泥嶺相對為入宿城要路道光乙未 宮保

兩江總督陶公駐節宿城改名留雲嶺詳見勝蹟

門限志唱舍師山亦飛巖山西北高五百四十丈

宿城山

顧志諸峰轟兀環抱如城中有山田皆上腴

唐仲冕奉檄重至海州十二首之一

陶山詩錄

山靈礮石待銘刊蘸筆滄洲興自閒澤草芒生橫海堰禪房花發宿城山天池南徙無休息雲將東遊又往還咫尺蓬壺風引去成連他日滌塵顏

平山

雲臺新志 卷第...
方輿紀要州東北百里陳州志東海城北七十里
高一百丈周圍三里趙續志與沃壤山連麓東巖
有二疏墓詳見考證門

南固山

崔志卽墟溝南山趙續志卽沃壤山之陰也中峰
有獅崖直下二嶺中分一礪墟溝城卽環抱二嶺
礪居其中故名墟溝

北固山

陳州志卽舍利山在沃壤山西北高二百四十丈
周圍十五里南北臨海西接西石島顧志在墟溝

營西里許山之陽名石城村俗名院前以上有紫
陽院也山之東曲名南沙口山之西北名西石島

鳳凰崖

崔志自舍利山東折爲鳳凰崖顧志崖在石城村
舍利山東其崖昂聳宛如鳳狀

西石島

俗名西墅顧志東接舍利北山西北皆大海

桅尖山

崔志在南固山東南形似桅尖

唐昆基桅尖山

深柳堂
吟草

仙人船入古雲臺百尺桅尖海上來雲起峰腰
驚柁轉霞飛石角訝帆開三山欲引風檣勢半
壁真需砥柱才擬趁春潮誇破浪成連一曲重
徘徊

黃窩山

崔志在宿城山東北顧志俗稱唐太宗東征經此
案崔志作皇窩謂唐太宗駐蹕處今土人呼爲保
駕山又案漢昭帝始元三年鳳皇集東海皇窩之
名或由於此今從唐州志作黃窩

高公島

顧志黃窩山東五里島下卽大海吳恒宣雲臺山
附志謂明代有高孝女之父溺於海孝女求之七
日夜遇老人引至其處因以名島按李志作唐代
事普元世居東海必有所據又按晉書安帝紀隆
安五年六月寧朔將軍高雅之擊孫恩於郁洲島
之得名當由於此道光乙未夏 宮保兩江總督
陶公巡海州登此島題名石壁詳金石門

唐仲冕重九登高公島望海 陶山詩錄

登高須登海上山望遠須望海邊天山不在高
高臨海海不必遠天無邊雲臺之北高公島海

雲臺新志 卷第四
水平低天亦小島內沙田日日增海中之水年
年少灘行真自海中來襟袖微霜拂清曉秋生
杖外煙霧開潮湧腳底風霆繞我窺溟滓欲乘
潮龍宮貝闕呼潛蛟不摘驪龍領下珠不探鮫
女室中綃但願修鱗巨鬣騰波濤倒翻海水流
隰臯爾如僵臥不肯起借我神馬傾天瓢

許喬林高公島歌呈

宮保陶雲汀制府

石室詩存

雲臺一峰東走海俯接裊瀛連渤澥節鉞來巡
度宿城萬古鮫宮燭奇采乾隆之中陳文恭兩
月蒼梧憩嶼廐勾當水利乘楫行島在偏隅未

親躡自禹迹後始遇公此島名應藉公改公之
觀海非自今析津轉粟嘉猷在東南時務重歸
墟白泖吳淞消磊砢全河樞要繫尾閭雲梯遠
覽滄波匯浮玉峰巔近海門嘗練水犀習背嵬
就中海運事創行奏績資公作主宰域中四海
幾見三其於海也見之每今登此島見所見見
仁見智皆元解地形親歷証輿圖民隱周諮訓
寮案老漁雀躍說豐年儼在濠梁歌樂愷是時
潮退十里餘海若鞭揮雪浪睢鵬背俄開臺九
成鼇頭忽疊珠千琲石帆幻作螺浮舟芝館題

憑龍結綵紅生若木飛鏡輪碧露之罍綻花蕾
氣如張幟望轉圓綫必依沙術非駭鳳窩接翼
紛嵯嶧鶯門啟籥峻嶂隗鳴笳引路馬亦馴唾
玉嬉波鷗不駭偶招賓從聯後車華胥文字世
模楷更有曹唐白鳳騎師丹雖老精神倍鯁生
率爾操奇觚天池蠡測觀場矮磨崖劇喜附姓
名湛輩因公亦億載黃扉人傑幸有緣翠壁天
成預相待仰視隄塵法墨揮勝用浮提淳漆灑
雙鈎妙腕傳仙毫百鍊中鋒銳純鐫詩拈七字
斂金城頌借三山吟鐵擺他年此島號陶公島

下恬瀾為福海

孫家山

崔志即東山村趙續志墟溝東七里元孝子孫通
居此

國朝錢泳出虎口嶺至孫家山

梅溪詩稿

僧家住海口潮水通禪扉行客欲投宿主僧猶
未歸徘徊松竹間花草見所稀萬峰如有待一
鶴盤空飛

時有一鶴望空而飛

舉手招不來我心尚依依

風喧起奔浪山缺留斜暉欲看摩崖石還來釣

魚磯

山之東面沿海有漢蕭望之釣臺臺上有隋開皇三年王謨題名

梅嶺

顧志在東山村冬時野梅徧嶺

吳進遊雲臺山北記

一詠軒
文鈔

予客板浦兄用晦招過諸韓村得遊雲臺之北
小山羅列山足間其聳若峩冠者爲弁霧山對
峙者爲華蓋山一石嶄然如頭角者爲龍山環
拱者爲大小腰山踰小腰山而上兄用晦之別
墅在焉卉木繁盛在雲臺別具一觀距別墅西
南二里高出爲蒼狼坡策杖而登據樹而坐則
凡弁霧諸山皆在其下雲臺之高至此陟已過

半矣下坡走三百步有藥臼丹竈詢土人爲唐
時善積觀遺址南上至蘇氏園怪石交錯攢蹙
累積又南至歇石崖糾錯無路彌望皆亂石至
是以手助足約行里許左右劈石牆立人如行
曲巷間又南至三百洞深曠窈曲上透一線光
相傳前代避兵處約可潛三百人故名旣而過
南澗闊巉巖極山巔竦然獨上下視淵然始覺
蒼狼坡之謂爲高者非高下者猶未下也然過
此高巔又已在望矣若更陟一層此身所到者
又不足觀也已乾隆二十年四月十八日記

程學桓雲臺諸山紀遊

芙蓉文鈔

大江南北名山雄阜趾相錯獨秦郵以下淮海之交數百里曠然寥夔欲求隻螺片黛渺不可得河自西來薄於淮折而東北走蓋將入海矣距海既近天地於是蓄其力而隆爲山以持束之若大伊小伊東廬東陬西陬雜起於平野中虬蟠鳥厲拱峙相應其最高大而橫絕海上者則爲雲臺山山古名郁州又曰蒼梧舊居海中康熙中山下稍涸而陸失其險然作鎮海門實仙靈之窟宅也三元君於是棲真焉鵬遊鷗運

之戲於其外浮沉而隱見焉海甸之瑰瞻未有過於此者乾隆己酉余客淮陰聞其勝欣向不能已同鄉汪君瑞周業於胸有偕遊約無何余主東辛程致峰先生家去雲臺咫尺以詩速汪君遂訂期往遊四月二十六日壬子晨起自東辛適中正是日天氣澄爽道之右窺輿而蜿蜒與郁州山色相摩抵汪君所同飯遂行東北十餘里麥穗舞風千頃翻穀汪君曰此卽昔年奔濤駭浪檣傾檝摧之地也而今揚塵矣過磨盤山之西見其岡巒翔拜體勢迴繆停輿徘徊未

雲臺新志 卷第四
及窮其概陟九嶺山望海西州城胸山孔望山
皆近若几席已刻遶于公瞳于公卽漢治獄有
陰德者世傳其里在是過當路村俗言鄒衍過
此村人疑衍驢食菽當其驢因名村爲當驢云
其說荒鄙人家叢石爲牆規奏修整牆外蔬圃
茸列果樹青翠欲浮使人意遠日晡至兌村寓
汪君履青之舍適雲臺僧餉雲霧茶泉潔香霏
恍置身天都白嶽中不似海濱風味矣飯後偕
友人越街而北循屋背周眺村原嶽岨擁後浦
溼壯朝山麓有海清寺旁立九級浮圖山志稱
古塔穿雲者也友人指西北虛磧云是古徐瀆
場又言去此數里爲船石溝清境可娛去此二
十里爲竇娥墳古芳可弔余顧而領之日將暮
相率旋舍適汪君亦自他所歸共披山圖相指
畫是晚訂同遊者數人汪君履青汪君立夫族
兄禹成合余輩二人而五皆整鞍秣馬以俟余
畏險不欲騎獨爲賃竹筴代步二十七日癸丑
發兌村由昨周覽處斜而東涉小澗澗外茆茨
數家炊煙微起循山麓進野芳時撲鼻觀數里
至老君堂輿人以路巖止乃命竹筴逶迤上十

八盤路漸高風亦漸起至嶺上土人號曰風門諸君皆舍轡據石雜坐余回顧山外海港日射水光爛然從者煮茗熟啜之遂行下嶺尤峻諸君牽馬蹇澁以降余度其行遠乃隨之穿谷渡澗四面稜骨槎枒出塢爲汪家莊榆竹晻曖下翳石落柴門耕者叱犢作歌聲啼鳥相答在左傍山趾沿轉右則海灘空闊大伊小伊諸山在其南灘中瀦積水雲影倒漾山邊石徑瑩确且滑行者無敢掉磬又幾里許望諸君皆在半壁際乃拾級以上凡三憩始盡其級甫入則奇巖

突出又從仄而過余曰此非東磊歟篋夫曰然夾道森石鬪擊閃墜攢壓薜荔被其體著幽人衣到山觀道士迎入玉蘭山房諸君已先在咸沐設小食坐面圍屏山翠障端倚形出天然山房芍藥方開一枝濯雪道士進櫻桃諸君曰東磊朱櫻可就樹啖且欲觀諸磊以盡其致乃偕起是日觀有村會祈於殿者多人余輩徑趨而出廟前俯眺諸山低蹙數十里外馳青衍白放視莫極有示余者手擬荒廣謂此滄海也睇弗可及乃尋山徑由右坡陀下探旋左穿叢箐入

搜幽撫邃繞石朱櫻纍纍耀目皆火齊赤珠綰
結成繖且摘且噉芳鮮溢舌齟石之態三三兩
兩欹撐兀拄負者戴者踏背而疊肩者俶狀詭
勢若巨人兒戲而累碁丸令旁立色懼石之幻
莫越黃海而茲特幻以磊亦山靈之狡獪歟回
院共飯飯罷議歸途所由或曰循山頂直抄釣
魚溝爲路較捷遂從之及出廟門趨而左已數
百步左乃誤復折右梯以登筇夫憚其崇先以
虛筇上余與諸君竭蹶攀陟望其夷處以爲至
矣及至而高者復如前焉如是者直幾重汪君
與余皆力疲筋繭息吁不能定坐石上嗟憊甚
乃忽然舉目浩浩一碧與天無際狂喜大叫曰
此非海乎此非海之大洋乎不嘗况瘁何由識
此彼之指支港爲谷王者陋也是日天輝日晶
無晦冥蕭瑟之意若暹羅流求夷亶之州扶南
於陀利之屬窮目力者可以指數天色藍而海
色深之天若爲淡焉孟子云觀於海者難爲水
士不登賈人舶犯洪濤又不能持節使鯨波萬
里外得覽於滄溟之寬亦已罕矣此余之幸也
旣乘筇猶轉面相向久之汪君履青緩勒相亞

共咨快焉山上有巨石重不下數百鈞盛諸弱
跌類舉而冠之者俗名之石鼓然形弗似也筧
夫行山巔石脊其聲磴磴然隨履振響殆百步
而不止諸君前騎既遠而筧夫覓谿欲斜趨未
決適汪立夫來問故曰是宜遵谿去復何疑遂
同行無何谿窮緣崖以跬余不能乘汪亦右牽
相從又里許徑益仄崖益削余扶筧夫彳亍移
踵汪之馬不可前復使人紆其道以致之又行
數里覩前頂三元宮心稍定至其廟前始舒坦
然不知諸君能下山未也至風門嶺凝俟見人

騎自右壁聯翩來下急起問訊諸君蓋薦後頂
度壑余尋前頂取捷也互述蹈險况笑且慰下
山輿人候道周仍易輿返是晚中酒二十八日
早起汪君欲禱于三元君余亦抱夙虔於是齋
戒齋瓣香偕諸君往至靈官殿謁乃過與昨經
門外者殊俄而峯嶺聳紆躋者呀汗相續山半
見村婦數十輩蹀躞前來健侔猿獾筧夫對之
發愧踰嶺至南天門謁於廟諸君咸至煎茗少
憩前途俯而下復仰而上過九龍橋縈跋廟前
坡山志謂二十四氣五十三參者皆級目也崇

雲臺新志 卷第四
殿切雲靈境巍開及廟門汪君告余曰前拖延
坂上銳而下圓俗稱琵琶形良似入廟參禮畢
山僧引就東廊觀壁間碑版凡數十瑩磨如鏡
人影可鑑繼導入庫房出明神宗時賜物陳之
計紫金佛像三座玉帶三萬佛衣千佛衣二金
爵九銅巾掠一神宗御敕一萬佛衣爲陳后手
製且自繡像其上流傳二百餘年猶見前朝內
府遺製旣出僧揖入方丈少坐乃栗左磴詣大
佛殿又右轉以升團圓宮汪君力乏不能從焉
宮範三元君家人像一堂故名海濱桂樹最珍

少中庭獨得一株碧葉調刁又出其東石巖斜
側作人字泉漱滴成窟列而甘是爲水簾洞爲
三元修真處僧云曠旱泉愈溢每大雪漫山谷
洞獨無有氣蒸蒸上地距青峰頂不遠俯矚亦
遐廓然不若昨觀海處尤絕也從右岡取次就
地較凌階爲易與汪君會於靈官殿側僧設几
門外款客少坐卽偕至九龍橋山有九澗匯於
其下橋側古松偃蹇有態榆柳參差蔽虧從人
言三月紅杏著花綠絲映帶尤幽豔增媚橋外
爲九龍廟朝山者常於是告畢焉諸君乃布席

雲臺新志 卷第四 五
大銀杏樹下樹十圍垂陰廣數畝旁有櫻桃幾
株蘋實離離可愛衆皆脫衫露頂散髮當風酒
半族兄禹成曰此去未至兌村有鬱林觀觀今
圯惟飛泉甚瑋琮堪洗耳壁多魁人題蹟盍就
觀之衆咸喜罷酒別僧行及風門嶺望海港晚
汐正生波光涌灑下嶺二里許度澗而左又可
三里許至飛泉巖下橫石堆迤扶捫乃得近時
久霽泉小聲碎迸如雨巖側鑿飛泉二字大如
三斗盎旁立一石上泐唐開元七年崔逸書東
巖壁記書爲八分筆勢適逸其他石鐫畫紛羅
惜斜陽烈不及徧識遂旋寓二十九日乙卯與
諸君別至九嶺山汪君命從者進茗茗至苦口
再煮復然從者詭言九龍橋水余笑曰是真出
山泉水濁耶余適有事於板浦遂與汪君分道
行向南城卽鳳凰城也史稱齊刺史劉善明於
海中累石爲城疑卽此今羅絡於山上下者又
秋壑之遺非其舊矣城中有闐闐然不逮三
場趁墟出城經廣斥之野鹵池遠近星布露積
之漘皚皚隆隆然各立號以旌飄拂相望日將
暮始抵汪君寓踰宿乃歸斯遊四日耳而雲臺

之秀偉已獵胸背間欒城有言過秦漢之故都
瞻京闕之壯麗顧黃河之奔流可盡天下大觀
而無憾余雖未涉秦漢舊墟於後二者庶幾爲
近獨念侈九折之趨而不睹百川之所匯是猶
河伯夸秋水而未旋其面目也故世之訪茲山
者率奇東磊而余則以攬東瀛而磅礴萬里爲
第一奇觀然微汪君豈獲不渝諾而得償積願
哉余前有句云因君生羽翼不虛也靈區勝友
良非偶然是用次其探涉之先後月日以督不
忘且諗來者

海中諸山

朱紫山

太平寰宇記在東海縣北五十二里紅壁丹崖自
相輝映遠望若朱紫因名徐衢神仙鑑徐洪客居
海州獅子巖戲以浴丹水潑近處山上紅壁丹崖
遂名朱紫顧志嘉靖前離海濱三四里近被潮侵
入海內矣崔志在東海城北四十里與羊石嘴對
今按朱紫山因五洋湖淤平已在陸地

馬鞍山

顧志在朱紫山東北陳州志一名馬鞭山高一百

八十丈長二里南北闊三百五十步

搭山

顧志在孝婦祠西北二里以與朱紫馬鞍等山相
聯搭而名也東海縣治昔立於此今按搭山已淤
成陸地去海三十餘里

鴨島

崔志俗呼鴿子島顧志去墟溝北山三里許

太唐昆基鴨島

深柳堂吟草

木紫雙鳧躍入王喬舄化作人間一卷石峰頭飛去
復飛來翩然忽自長空擲我來路過墟溝山山

重水複相迴環一山未平一山起中有鴨島峙

北立山之灣島前石骨星精鑿島外風波殊不惡

西鵝有湖兮鷄有灘得此天然成三絕有時雲影

忽動移訝是隨波掉尾戲清池有時日照懸崖

頂彷彿攜雛側翅曬雛襪桃花一放滿溪谷春

江水暖知未知虎窩鳳嶺真非偶掠水羣鷗若

求友花為裊褥水為窠鯤徒鵬搏亦知否

竹島

陳州志去東海城八十里高二十五丈周圍一里

三十步顧志上多篠竹去西石島三里許

洋山島

顧志去高公島二里

神山

一名琴山以山形似琴一名秦山俗名奶奶山顧志去墟溝西北二十里上有碧霞宮僧守之先名秦山後因春融屢現樓臺人物之狀與登萊海市無異故以神名每潮落山根露石砌街道橫展東西雖驚濤不嚙舊志以為秦始皇所築凡舟行經此者須俟潮滿否則損舟

謝元淮遊秦山

養默山房詩藁

翔陽逸析木雲錦翻晴瀾挂席出青口艤棹登

秦山蒼岳漬涵氣白玉堆荒灣

山前碁子灣產白石圓潤如玉

兩峰仰並峙一徑容孤攀終古罕人跡來往蓬

壺仙

山中乏水

樓閣疑幻境

海上有望

蛟蜃蟠重

淵異哉秦皇帝刻石扶桑邊

山東二石如人下有秦始皇刻按

水經注碑高一丈厚一尺二寸鐫七字大如斗又按地道記云海中去岸百九十九步有秦始皇碑高一丈八尺廣五丈厚八尺三寸一行十珠三字潮水至加其上三丈潮去則三尺見

臺既混沫

海神獻始皇大珠

神路空蜿蜒

山南有神

路長二十里皆石子砌成直達南岸志載始皇所築今出水者三四里濶四五丈土人以此山為龍北有龍頭石龍琳宮久傾圮
山有廟祀女
爪沙此為龍尾良肖

奶雞鳴叢竹間滿山細篠雞聲祝祝出竹間山

茶飽含萼花木餘秋妍上多山茶冬夏常青志

方草焉知長生草不產巉巖巔如何不死石蠕

動趨醯酸山中產郎君子形如半豆色白微紅

求偶云徘徊戀幽嶼縱日天宇寬東決盡日本

北鷺連三韓潮平晚風急引我扁舟還滄波重

回首縹緲生雲煙

謝元淮由臨浦渡海夜旋秦山醉歌養默山房詩藁

洪荒之世幽邈莫能名大壑歸墟乃得神禹鏹

決墾鑿而後水土平澈澹澹浸八裔其為廣

大也吾不知幾千萬由旬但見迴地軸激天輪

沐日浴月噓噏百川無滿盈我聞蒼蒼者天空

無質乃是氤氳積氣之所成日月五星自然浮

生空中行地為圓毬小於日如豆在脬如丸走

槽大氣包舉虛懸天中心萬國人民飛走動植

週遭附地以自生海水合於地隨地旋轉相迴

滌重有重心地心為重之最重水性就下地心

吸之如磁石引鍼故能依附環繞不致旁溢而

倒傾寰中昏旦勢難一陽烏見處天斯晨此間

夜半彼正午各從日景早暮以定子丑寅卯十

雲臺新志 卷第四
二辰日在地下光芒反射地球隔之背生虛闇
成黃昏暗影遠逾狹以至於無爲尖形月與諸
曜借日光明惟月近地有時食餘曜高遠暗虛
不及恒露其星星其爲狀也若此異哉坤輿廣
厚孤寄宇內何伶仃僅如彈丸拋入千石玻璃
瓶四面羅列千國復萬國中國在地已若黑子
之著於人身吾身高不滿七尺芥舟游戲奚啻
恒河一沙天沼一浮萍我欲傍遊八極上邀太
清直至天外天盡處搜剔爬梳是否蔥頭琉璃
層層之相因天形如卵壳壳外終應有止境得

毋渾蓋宣夜泰西之說俱窮而難憑一一探討
書諸紳乃游天之內地之外較量天地相去幾
千萬里零日何以昭昭月何以冥冥五星衆曜
何以大小高下各垂光熒熒蒼穹之色何以萬
古不改常青青然後巡地一周大章所未步豎
亥所未經莫不身親目擊求其真歸語後世談
天者流咸解大惑一歸於精純噫嘻乎天門蕩
蕩不得階而升身無羽翼不可以飛騰壽非松
喬不能與造化爭人生萬事貴自適况值今朝
風日晴朝發郁洲夕濟蓬瀛明月皎皎東方昇

帆檣容與波浪不興舟人漁子南徂北征一山
孤立何峻岫當年秦帝於此朝嶠馮錦帆卸桂
橈停歸風自反寄旋扶桑津水光蕩漾無邊垠
於是舉觴對月扣舷而歌若出金石聲歌曰山
蒼蒼兮水泓泓天漠漠兮風泠泠泛月檣兮遊
滄溟天吳眇眇而遠望兮海童冶夷而潛聽喜
文鯨之灑潏兮駭橫海之奔鯨狎鷗鳥之忘機
兮嚇垂天之雲鵬與其雷响電激屑沒於蛟龍
之窟兮吾將臨深以兢兢或飛行壺嶠兮或趨
起於風塵或偃仰煙霞兮或魚蝦以爲鄰亦隨
遇而自安兮泊乎若鳧鷖之與鷓鴣頽然徑醉
於鷓首兮天風吹之以徐醒度越千秋萬載兮
固將樂此而忘情

鷹遊山

卽嚶遊山太平寰宇記在東海縣東北一百三里
海中去崖二十里高二里其山周迴浮海中羣鳥
翔集嚶嚶然自相喧聒江南通志在州東北海中
去平山十五里元時海運之所經也顧志去孫家
山十五里羣鷹常集其上山南黃窩等處與之相
對人呼爲鷹游豐陳州志兩山夾水爲南北海船

避風處高一千八十丈今按鷹遊山與宿城山相對中寬十餘里長二十餘里均係泥灘雖潮落舟淺不致損壞潮枯時深不過五六尺潮長則深二三丈矣據土人云五洋湖昔名五洋門亦爲海舟通行之道五十年前尚可泊舟今爲平地恐數十年後鷹遊門亦有淤墊之患蓋海中有淤處每易壅塞也

國朝商盤鷹遊門觀海

質園集

禹貢紀徐州淮海環其外衆水聯絡之曲折勢交匯茲州鎮東洋荒城如斗大畊存馮鹵餘利

析魚鹽內大風表泱泱舊語傳前代歷歷田橫島雲帆遠可屆水濤若連山濺衣珠百琲青蒼通一氣渾灝涵兩戒賴此鷹遊門萬力束澎湃重鎮倚南城列戍多旌旆

國家置諸郡永奠六符泰嘉祥頌清晏至德同覆載
波臣旣效靈滄溟亦如帶休教保障疎莫使長
城壞治民等治兵和衷文武會鐵鹿懸高檣雄
風歌擊汰揚輝蜃蛤浮鼓浪鼉鼉拜絕景發清
吟心在蒼茫界

唐仲冕鷹遊門

陶山詩錄

南城復北城使海于有蔽東島復西島裨海環
其外中有鷹遊門洋線畫疆界前明政不綱姦
宄通夷裔寇攘莫能防漁樵無所避

國初遷其民裁之爲棄地承平波不揚遺黎每垂涕
恩詔許復還田園重樹藝經今百餘年武尅不忘備
斥埃旣增修營伍常守衛巡邏兼會哨巨艦修
且製歲費水衡錢不足責文吏那知船置灘徒
爲風日敝豈有意外虞所惜在循例我因閔雨
來窮島察凋瘵浮海人所難聊以鼓士氣人言
官涉險總爲民圖利返躬一循省向若屢驚悸

山田春亢陽二麥不吐穗海洲魚鮪淦網戶空
擊汰幸當極盛時尚未遂生計是誰之過歟責
人則已易失伍毋乃多敢問執戟隊

謝元淮登鶯遊山

養默山房詩藁

山在青口東六十里大海中遙峙洪波與宿
城諸峰相對中寬十餘里狀若天闕俗稱鶯
遊門壬辰閏九月四日巡哨海面登秦山以
瞭外洋遂乘潮抵山下會日暮不及登明日
始得周覽其勝兩峰聯起上矗霄漢西曰西
連島漁戶數百家環山高下重疊而居西南

支嶺突出海中者曰魯架嘴踰嘴二里幽塢
 中有蘭若曰鎮海寺岡巒迴復林樾森環寺
 前為廟前灣乃海船聚泊待潮避風之所寺
 後山高三四里東一峰尤巉峻總名鶯遊山
 又東為東連島共長二十餘里其南岸自竹
 島鴨島西墅墟溝沃壤黃窩東陬西陬諸山
 縣亘八九十里奇岫疊出為雲臺外障與鶯
 人游對峙中開一門誠天生阨要海隅巖疆也
 外便云接重洋茫無涯涘山中魚蝦極多水薪尤

暫弭秦山棹遙望鶯游門潮落山逾峻雙闕排
 天閭帆歡勁風滿破浪如追奔下旋海月黑濤
 聲終夜喧掀簸不成寐推篷已朝曦躡屐踏霜
 露到岸意轉欣漁莊聚西島層疊自為村連峰
 鎮澗溟濯滌絕埃氛沃壤近可接暘谷邈無津
 空餘釣臺古千載思垂綸孫家山下石島曰釣
 架魚臺對渡十里即魯楓格隱蘭若落葉埋秋根山中多格樹粥魚
 自清靜何事勞風塵設險古所重形勢非空論
 扶桑挂繁弱豈復憂鯨鯢裁海事已往順治十
 海割雲臺復山回陽春康熙十六年耕釣遊世
 山置界外復為內地

外吾思山中人

東連島

崔志卽鷹遊山東島

西連島

崔志卽鷹遊山西島其上民居稠密漁舟多泊於此

開山

顧志在鷹遊山東北其下驚濤濁浪浴日排空維舟被風者或至其處尋常罕到焉周圍約百餘里凡鳥卵野菜海虎海驢海狗海和尚之類無不蕃

育游衍於中但人煙杳絕亦海內名山也崔志在雲臺直東與灌河口對近亦有廟僧居民聚處其上

雲臺新志卷第五

山水

下

海

大清一統志海北自山東安東衛斜石界入海州境齊召南水道提綱海江南自荻水口南經贛榆縣東有小水口四又南經海州城東有小水口五州東隔海巨島即古鬱洲也懸居海中

原注洲東有雲臺山有二水入海口西北有墟溝城西有南有鳳凰城其北隔海有鶯遊山

海又南稍東經新壩板浦白河港三口又南為鹽河入海俗稱曰

淮河口又南稍東經安東縣東北之雲梯關是爲大河淮瀆入海口也原注自荻水口至此二百八十里。口東三度五分極三十四度唐州志舊時雲臺山在海中今潮東徙自州至山已成平陸惟西連諸島尙須渡洋案李吉甫元和郡縣圖志宋樂史太平寰宇記俱云海在東海縣東二十八里今大洋距山麓約五十餘里

唐獨孤及觀海

毘陵集

北登渤海島迴首秦東門誰尸造物功鑿此天池源湏洞吞百谷周流無四垠廓然混茫際望見天地根白日自中吐扶桑如可捫迢遙蓬萊

峰想像金臺存秦帝昔經此登臨異飛翻揚旌百神會望日羣山奔徐福竟何成羨門徒空言惟見石橋足千年潮水痕

金賈伯良蒼梧晚渡

全金詩

瀛海洋洋島激青沙頭候渡月將生操舟三老醉逾健放棹中流恬不驚顧我不須嗟道遠歸裝只欲待潮平會當鞭石成橋後來往晨昏各稱情

國朝商盤望海

質園集

碧落滄溟一望平天吳河伯兩相驚潮通漢郡

蛟龍古橋指秦皇
蟠竦橫島嶼濛濛雲外出帆
檣隱隱日邊行
木華去後無人賦
陰火陽冰日
送迎

張新標望海

胸海詩存

胸山東北峙
彌望滄溟開
六馭根虛無
高浪何
崔嵬連天浮
遠岫吹地轉
殷雷白日自
頌洞扶
桑半欲摧
枝撐揚鬢鬣
彷彿金銀臺
秦女去已
渺漢使亦空
回雲迷巨平
野三山安在哉

乾坤流日夜
潮汐去復還
波撼人代速
勢傾草木頑
呼吸通元籥
元津未可扳
灼灼青藍花
千載仍復殷
風霧隨飛魚
蹶生指顧間
自非曠士
胸伊誰駐
朱顏我行羨
鳧鷖浮沉
祗自閒

海平不可狎
海怒遽足驚
置身千仞上
耳目先
空明所遇無
故物長風從
腋生渾渾原
浩浩脈
脈還盈盈
崑崙極月朏
無乃咫尺
程人事多變
遷雄術徒縱
橫大海猶涓
滴悲哉井底
行

昔我夢鼓楫
直取天盡頭
四山如積鐵
星辰皆
倒浮今我臨
海上恍若同
夢遊莊周與
蝴蝶相
視皆悠悠揚
塵幾清淺
涯涘安可謀
大鵬徒怒
號精衛亦浮
游庶遇安期
生挾我驂雲
蚪授我

金光草翺翺周十洲

謝元淮海上偶成

養默山房詩藁

一片孤帆海上吹此身惟與白鷗隨滿灘冰雪
天方凍未是漁人下網時

湖河浦泉

萬金湖

崔志俗名五羊湖顧志去東海城北六十五里南
北抵山東西通海內產蘆葦魚蟹之類名以萬金
者以其利民者多也今按此湖已為平地

北湖

在東海城北門內

南夾河

崔志即小海向為對口灣渡海處今皆為平野惟
夾河一道尚存舊跡

國朝吳恒宣小海

郁洲山人集

海水無波二十年平沙一望接山巔馬蹄亂踏
荒原裏笑指滄溟是渚田
蜃氣蒼茫是也非曼羅初茁海葦肥野鷗不記
揚塵後猶向灘頭故故飛

九嶺河

有九嶺橋顧志在東海城北九嶺山下

溫水河

陳州志去大義村一里祁寒不冰南為五龍聖泉

大義河

有大義橋顧志大村之北舊有橋因圯重修

瀘水河

有瀘水橋趙續志在新縣西

官河

有官河橋趙續志在瀘水橋東通海

北河

有北河橋趙續志在官河橋北

于公浦

大清一統志在故東海城北十里張州志漢于公故里顧炎武郡國利病書俗訛曰茹公浦

社林浦

張州志東海城東北六里下通海潮陳州志長十五里闊四丈深五尺

白溝浦

張州志東海城東北三十八里無源下通海潮

大義浦

郡國利病書東海城北五十里張州志西通海潮
便鹽艘

山陰浦

張州志東海城北通海潮

當路浦

張州志東海城北四十里西通海潮便鹽運

棲雲浦

陳州志東海城北六十里無源下通海潮長五里
闊三丈深七尺

臺浦

郡國利病書東海城北八十里陳州志無源東引
海潮長五里闊三丈岸有石墩如臺故名

徐瀆浦

方輿紀要東海城東北四十里上接巨平諸山之
水入海

宿城浦

大清一統志在東海城東北七十里四面皆山舟
楫遇風則宿於此

沃壤浦

郡國利病書東海城北七十里

飛泉

在大村獅子巖下注為濯纓泉

謝元淮由鬱林觀至飛泉

養默山房詩藁

夕陽晚愈佳綠樹圍遙村客居偶得暇乘興還

出門溪涸沙餘潤麥熟鳥爭喧榴蕊綴深樹棗

花香滿園出林值危壁仰視愁懸猿狻貌形醜

談

獅子崖

香鑪氣氤氳

上為香鑪頂

破峽湧飛溜久晴

猶潺潺上引雲霞液下為濯纓

泉名

源磨崖多刻

畫波磔苔蘚斑

崖有唐崔逸隸書及宋明石刻

同游意各慳指

點恣笑言誰信荒闌境有此花木繁芳草沾夕

露日色已黃昏相期大雨後來此滌囂煩

五龍聖泉

趙州志在東海大義村溫水河東有泉五中為大

泉久旱不涸里人張臣于泉南耕出石碣有五龍

聖泉四字左刻承安二年右刻龔封千戶于其所

建五龍廟祀之按金章宗改元承安

潭澗溝汪

烏龍潭

在大村南首山巔有泉一泓大旱不涸沿山行半

里許有山澗奔流而下即飛泉之頂也獅子巖在

其側

白龍潭

張峰州志在巨平山中崖下方三十步顧志深不可測水勢洶湧自潭口噴出如珠雖隆冬不凍相傳有白龍潛於中禱雨輒應

烏龍潭

顧志在新縣南

黃龍潭

顧志在隔村南澗中

磊北龍潭

顧志在石礪山之麓深不可測天將雨潭內先吼聲聞山中

關中龍潭

崔志在關中後村

當路澗

有當路橋

九龍澗

崔志在竹節嶺下有九龍廟其東為接引茶庵九澗森流半空飛瀑中橫石橋即名九龍橋一日萬壽橋今案澗有大松孤生自異與僧塔三四相映

於深煙寒翠之間

國朝曾煥九龍澗古松

賞雨茅屋詩集

九龍乘海潮入山化為石蛻骨故宛然鱗文頗
無色迺有千尺松夭矯復皴蝕常時挾風雨聲
與海濤激我方緣澗行斗覺寒氣逼灑面如微
霜黯慘日成夕始驚蒼翠影森竦蔽巖隙其旁
鮮雜樹落落自孤直三歎為摩抄不知歲幾百
我昔聞此山蒼梧實分脈草木嘗蕃庶故多南
方植山海經載此山從蒼梧徙來上有南方草木如何今所見四面
空絕壁得非桃李姿不耐冰雪厄大造無私恩

歲寒有高格貴從秦劫後存此靈光特嗟爾梁
棟材宜為廊廟擇傳聞泰山樹久受大夫職爾
居荒海濱貞節人罕識棠陰雖勿翦樗散亦堪

惜

唐仲冕九龍澗

陶山詩錄

龍靈在行雨不雨安貴龍得一或淵躍用九當
雲從由來眾壑水匯作羣龍宮斷澗臥鼉梁絕
壁蟠虬松如何山滌滌不見波溶溶乾翠掃銀
杏落葉飛丹楓時方度重九何以慰三農毋乃
亢有悔詎竟潛勿庸我懷閔雨志願藉蘇枯功

圻看階尺木便欲投孤筇

李白澗

崔志俗傳李白遊海上曾飲於此顧志在雲臺山後

桃花澗

在羊石村有蓮花橋顧志小村迤北折而東坐雲臺正西嶺外春夏積水可溉田俗傳殷氏女通醫以桃愈疾人種桃二株以報數年花滿巖谷

國朝陳文述東海仙跡詩

鬱洲旅逸詩鈔

服桃能愈疾醫道本通仙種樹聊相報桃花媚

曉煙年年春澗上花點水紋圓

大清澗

顧志在隔村山南水自峰頂流入民田種資灌溉

青龍澗

崔志由虎窩青龍口流出歷關中前後兩村民田

悉資灌溉

滴清汪

顧志在山東村北麓約半畝餘其深無底遇旱如常

墟溝

崔志在沃壤山陰卽南固山大澗也

堰壩

西捍海堰

太平寰宇記在東海縣北三里南接謝祿山北至石城山南北長六十三里高五尺隋開皇九年縣令張孝徵造

東捍海堰

太平寰宇記在東海縣東北三里西南接蒼梧山東北至巨平山長三十九里開皇十五年縣令元曖造外捍海潮內貯山水大獲灌漑案唐崔逸鬱

林觀東巖壁記開元七年東海縣宰爲河南元曖與寰宇記所載年代懸隔又案北齊書杜弼傳顯祖敕弼行海州事弼於州東帶海而起長堰外遏鹹潮內引淡水今故跡亦不可考

王公堰

李志在雲臺山東南起大島西抵鳳凰城東東西五十里明洪武初州人大理寺評事王規奏築以衛民田鄉人德之

南堰

李志在鳳凰城南門外自石岸渡口淤沒渡海者

由西山之麓及東峽口後二處又淤遂於城南築土堰以通南北

大村堰

崔志在大村西北明州判唐伯元築顧志此堰上瀦山水下捍海潮歲久圯廢唐公伯元判東海時興築居民德之

萬金壩

大清一統志在東海城東北七十里張州志南北長四里東西闊三丈隋開皇五年築以其利民者多故名後廢洪武二十七年重築宏治十六年知

府才寬大修陳州志東海編七里民田常被海潮從此淹漫原名五洋湖嘉靖間有太監劉榮者本東海所舍餘立壩遏潮長四里闊三丈費至數千因名萬金後漸圯廢而潮浸田荒如故矣李普元東海志俗名五羊湖以北岸山有五峰如羊故名湖南北抵山東西通海內產蘆葦魚蟹之屬利民甚溥故曰萬金萬歷初徽商程繼敬蠲貲重修石壩有碑記在鄭公祠

國初北城蕭氏重修今按五羊湖已成平陸

明蔡昂重修東海萬金坊石橋記

頤貞堂藁

去東海城東北七十里介巨平平山之間有積水焉當夏秋之交水脈于海淼爲巨浸中磬石爲橋以通往來蜿蜒衡貫若長虹然頃歲海漲波齧橋遂圯往來者苦於厲揭今掌司鑰庫事御用監太監劉公榮東海人也始自藩府從龍而北道出其鄉案行故跡乃蠲六白金爲修理費經始于嘉靖八年二月十五日至五月壬寅工乃成橋長四里下穿二十洪以容走水雄偉堅緻視昔有加焉夫茲橋在東海實有司之責公志存利物示始鄉人故於有司所不暇及者

而力任之可以見公之存心矣方是役之興荆王聞而義之助四千金海州守蔡君紹科爲發役夫三百太監丁公玉以下凡十一人各助金有差亦當附書以爲後勸嘉靖八年孟秋

金水壩

李志在大村石牯一座長五丈餘橫截石礮前代建此以蓄水溉田備旱澇明成化間被水激圯今無存

橋梁

太平橋

李李志去南城四里在南堰之南海淤成灘中有潮溝構橋通之無驚濤之險有陸行之夷故名今按太平堰現為票鹽聚集捆掣之所設太平局委官一員駐劄

九嶺橋

李李志在九嶺山下

當路橋

李李志在當路村

風雲橋

李李志在雲臺山竹礮中

大義橋

李李志在大村北

蓮花橋

李李志在桃花礮

瀘水橋

李李志在新縣西

官河橋

李李志在瀘水橋東通海

北河橋

李李志在官河橋北徽商程繼敬建

